


Eugene Kingsale a bati .500 den fin di siman pa bira mihor bateador di Detroit Tigers

El a bati 7 hit den 14 turno

DETROIT- E ekipo di Detroit Tigers ta sigui sin por gana su weganan y ainda ta pega na un solo victoria pero un punto positivo sin duda algun den e ekipo di Liga Americana, ta e batea y wega di e outfielder Arubiano, esta Eugene Kingsale.

Den cuater partido cu Tigres a hunga den e fin di siman largo di Pasco Grandi, Kingsale tabatin un tremendo serie contra Minnesota Twins y finalmente Kansas City Royals.

Despues cu manager Allen Trammel a lague for di alineacion diaranzon anochi contra Minnesota, Eugene a hunga den centerfield diabierna anochi y bateando di ultimo den e alineacion, e hoben Arubiano a bai di 3-2 c'un ponche y cu cual batazonan el a subi su averahe pa .259 mientras cu Detroit a perde e wega aki cu



anotacion di 6-0.

Diabierna anochi tambe Kingsale a habri contra Kansas City Royals bateando un



biaha mas di ultimo y contra e pitcheo contrario, e Arubiano a bai di 5-3, c'un careda anota y caminda el a subi su averahe pa .313 cu e tremendo actuacionnan aki den partido cu Detroit a perde cu anotacion di 4-3.

Diasabra anochi Kingsale a habri atrobe den centerfield contra Kansas City y ta bati di 3-1 c'un careda anota aumentando su averahe di bateo

na .314 den wega cu Detroit a perde cu anotacion di 9-2.

Diadomingo atardi manager Allen Trammel a dicidi di subi Kingsale pa e number dos den e alineacion tras di Higginson y akinan el a bai di 3-1, anotando un careda, ricibiendo un boleto mientras cu el a subi su averahe di bateo pa .316.

E averahe mas halto den alineacion di Detroit Tigers, sigui pa e segunda base Santiago

kende ta bateando pa .255 mientras cu Higginson tin averahe di .238.

E criticanan riba manager Allen Trammel a inicia caba y e ta bao di presion formal y e siman aki por ta determinante den su futuro den e ekipo. Detroit no ta un ekipo duro of favorito pa gana e titulo di division pero e mester ta competitivo y te cu awor esey no ta e caso.